

SALT LAKE CITY SCHOOL DECTHÍK ÓR FÍS OR POLOSI ar FÍS BAD DOONIR MUKHTOSOR

NOTHÍS YAÁN BUZÍTE TUÑÁTTU MODOT LAGILÉ, MEÉRBÁNI GORÍ BOB MUENCH ÓRE TALLUK GORÓ
EÇÉ: (801) 578-8378.

Salt Lake City School District ór eskul or fís bad dooni ókkol ádde bad diyar hókdar boníbar babote polosi ókkol adde karuai torika ókkol óre bisari saibólla raábár yaán leká giyyé.

Mul Nozor

1. Háñt kelás loti baró kelás fuijonto fís loibollá Utah kaanun e ejazot der. Zar maáni tuñár fua ttú eskul or ókkol, lazemi jiníc ókkol, hazhormo ókkol ar program ókkol ólla fís luazaitfare.
2. Fís ókkol beggún bad diyar kabel.
3. Oi eskuillafua ókkol beggún zetaráre fís bad diyar aróz ókkol inkar gorá giyyé hítáráttú afil gorár hók asé.

Decthík Fís Bad Diyar Polosi

State kaanun motafek zai Salt Lake City School District Board of Education é fís bad diyar polosi ekkán ar fís or thaim gór apanaiyé ar monzur goijje. Poloi, karuair torika, ar thaim gór ókkol decthík wéb-sóbbá ibát asé: slcschools.org/board-of-education/policies/ - lamar mikká lamoré S-10 óre soó: Eskuillafuar Fís Ókkol ar Fís Bad Dooni Ókkol

Fís Bad Diyar Torika

Fís bad diyar aroz ókkol ór uore nozor dibollá ar ekkán fáiséla goríbár ekzon manúic hísáfe fotti eskul or prinsipól óre mukoror gorá giyyé. Fís bad diyar karuai ré insáf ór sáñte, moksúd ór sáñáte ar deri nogorí anjam diyazafáan karuai gorázoon oré yekini banaibólla decthík é lazem gorí loiyé. Aró, decthík é ei hotá ré yekini banar de ki karuair zoriya eskuillafua ar maabaf ókkol ór uore bodnami, córmíndégi, bemunaséb towojju ar namakul fuñzá noíbó. Karuai gán eén honó deházade icará ókkol notákíbo zían é honó kióre fís bad diyar dorhás goróiya ré foriso gorár rasta dehá, ar decthík ór honó eskuillafua ré dorhás gorár karuait mazé modot gorár ejazot náí (oi eskuillafua baade zar fémilí/maabaf e dorhás gorér. Guñça karuair thaim ot fémilí/bafmaa ókkol ór torfóttu maalumát oré neháyot gufon takázaibo.

Aró, meérbáni gorí zanilo de ki fís bad diya giyé dé ekzon eskuillafua ré oinno eskuillafua ókkol óttu alog gorí mamela gorá nozaibó, fís bad diya eskuillafua híba ré oinno eskuillafua ókkol, soñijja membór ókkol, ar oinno manúic ókkol ór hañsé sinái diya nozaibó zattú maalumát híin zanoon zorurot noo.

Fís Bad Diyar Hókdar Bona

Ekzon eskuillafua fís bad diyar hókdar bonibó zodi:

1. eskuillafua gwá USDA rul motafek maaná hánár hókdar bonilé
2. eskuillafua gwá ye SSI far de óile
3. eskuillafua gwár fémilí ye TANF far de óile
4. eskuillafua gwá falok fuain hánát asé dé óile
5. eskuillafua gwá hókúmot ot héfázot ot órde óile

Héçe uore, zodi tuñúi soñori hárá, boro bearam, yáto tuñár kabur baáre ekkán amodoni hárá zoriya foida óiye dé maali hánggámi hálot ot óile, tuñár fua fís bad diyar hókdar bonibó, hókdar bonar oinno

corók ókkol faa nogilé fuijjonto. Man (niyom) ókkol iín ór tole ekzon eskuillafua hókdar noóile fuijjonto, eskul ottú aijo fíis bad diya foribó, zodi fíis lazem gorá yé fíis diyar nakabeliyot or zoriya eskuillafua gwá furafuri córík óite yáto ekkán corót fura goríte híbar mouka ré inkar gorér dé óile.

Zañá hóuk, fíis bad diyar hókdar bonibólla boli, eskul ottú SÓBUT FONNA faaforibó, taáke eskuillafuar hókdar bona ré zerá gorí saibólla. Tuñáttu munaséb Fíis Bad Diyar Dorhár fura gorá foribó ar hían óre nozor dibollá ar monzur goribólla eskul or prinsipól ór hañsé tulí diya foribó. Fotti ekkán eskul or bor ofís ot doshás ókkol toiyar asé ar Utah State Board of Education or eskul fíis or wéb sóbbat mazé eçé: <https://www.schools.utah.gov/schoolfees?mid=4340&tid=3>. Fárom ókkol fura gorí difeçár sáñte, fíis bad diya llá tuñár eskuillafuar hókdar bonár babote ekkán akhéri fáiséla goráza fuijjonto fíis tolob gorá ré toitta tíyagorá zaibo. Zodi dórhás gán monzur noóile, eskul e ekkán Fáiséla adde Afís Fárom tuñár hañsé difeçáibo. Dorhás gán kiólla kobul nóiyó ar fáiséla gán óre keén gorí afil gorázaibo de hían fárom gán é tuñáre hoibó. Fíis bad diyar inkar gorá ré zodi tuñúi afil goríle, afil gán or uore fítin fáiséla goráza fuijjonto tuñáttu fíis diya noforibó.

Zodi tuñár eskuillafua gwá fíis bad diyar hókdar bonilé, fíis ókkol beggún bad diyazaibo zeçé cámil asé lamar híin – lékin híin mahádud noó:

Doftór gorá, nesabi kitab ókkol, nesabi kitab ar sámán ókkol ór zoma thiñya ókkol, eskul or laazemi jiníc ókkol, hazhormor kaádh ókkol, nesab or baáre hazhormo ókkol, ar eskul or thala-fethi ókkol ór fíis ókkol; harháná ar duan or fíis ókkol; gym ar thoilár fíis ókkol; fucák ókkol ar baárgwá purza ókkol ór hóssa ókkol; moidani sófor ókkol ar jolsar fíis ókkol; kelás ya dhaái sófor ór hóssa ókkol; ar kelás ókkol yáto hazhormo ókkol ót estemal goráza de talbazanar sámán ókkol ór hóssa ókkol.

Héçe “bad diya noza” yáto “ekteyari” hóde honó ciz notákíbo, lékin baás mosóla ókkol ot fíis bad dooni ókkol ólla bodloilla ókkol entezam gorázaitfare, lékin nesabi kitab or fíis ókkol ólla noó. Kistor uore bóríbollá, koroz banai loibollá yáto oinno deriye bórár plan ókkol goribólla ekkán eskul e tuñáre hoí nofaribó.

Kelás or anthí, bosóri kitab ókkol, eskuilla sóbi ókkol, eskuilla jakéth ókkol ar hé kisímmya jiníc ókkol ólla thiñya tulá fíis noó ar bad diya nozaibó. Aró, zodi tuñár fua ye eskul or mal cómbotti háñzáile yáto horáf goríle, bodoli diya yáto hóng gorár hóssa ókkol fíis noó ar bad diya nozaibó. Dhaból bótti yáto agori zaga diyar kuús ókkol ólla eskuillafua ókkol óttu fíis adai gorá tolob gorázaibo. Háas gorí koléij yáto dusóra tobkar eskul or kelás ókkol yáto gónthá ókkol ór mutallek fíis ókkol híssa bad diyar kabel noó. Héçe uore, sirof oi eskuillafua ókkol zetará nesabi kitab yáto sámán ókkol or thiñya zabin diyyé hítára bosór ór akhérit zabin thiñya wafes faibar hókdar.

Eskul e yáto eskuilla soñijja ye kelás ókkol yáto gónthá ókkol dóri rakí, homai yá beec gorí nofaribó, yáto fíis bórar bojbur goribólla boli, kelás, gónthá, repoth kaádh, nombor nama, yáto diploma ókkol óre rákídi nofaribó. Eskul or mal háñzáile yáto horáf goijjé dé ekzon eskuillafuar ofísiel rekódh (sóbut) ókkol óre ekkán eskul e rakí difaribó; mogór, ekzon eskuillafua ré eskul ot uça yáto diyazoon ottú ruké dé héndhílla híbar rekódh ókkol óre rakí nodoonsá.

Fíis bad diyar hókdar bonar dhokumén óre bosór fítte tolob gorá NO zaibó, lékin eskul e zehonó thiam saáit fare yáto ekkán bálá wojá loi duarai saibólla boli maabaf e fusár gorítfare. Húsúsiyot or wojá ókkol ór zoriya dhokumén ókkol óre héfázot gorí yó raká NOZAIBÓ. Fíis bad diyar hókdar bonar maalamat oré eskul ókkol é oinno eskul ókkol ót fargorái ditfare ze eskul ot eskuillafua ókkol ageza yáto bodole.

Zodi tuñáttu súal ókkol táke, foíla tuñár eskul or prinsipól loi hotá hoó arnóile eskul decthík ór nomaenda loi ziín amat liís gojjá:

Eskul or Sördári ar Adakari Dhiparmén (801) 578-8350

Zodi fís ókkol adde fís bad dooni ókkol ór babote decthík ór fura karuair torika ókkol ór oggwá kofí tuñúi sailé, meérbáni gorí Bob Muench oré talluk goró eçé: (801) 578-8378.